



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԼԽԱՎՈՐ ԴԱՏԱԽԱԶ

ՀՐԱՄԱՆ № 84-2

«20» 10 2023 թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԼԽԱՎՈՐ ԴԱՏԱԽԱԶԻ
2022 ԹՎԱԿԱՆԻ ՀՈՒՆԻՍԻ 27-Ի N 47 ՀՐԱՄԱՆՈՒՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության զինվորական դատախազության բնականոն գործունեությունն ապահովելու և աշխատանքի հավասարաչափ ծանրաբեռնվածություն ու բաշխում կատարելու անհրաժեշտությունից ելնելով, թիվ 2 կայազորի զինվորական դատախազության տարածքային բաժնի վարորդ-գրիչի 1 թափուր հաստիքը կրճատելու և Հայաստանի Հանրապետության զինվորական դատախազի օգնականի 1 հաստիք ավելացնելու նպատակով, ղեկավարվելով «Դատախազության մասին» Հայաստանի Հանրապետության օրենքի 9-րդ հոդվածի 2-րդ մասի 5-րդ և 7-րդ կետերով, 30-րդ հոդվածի 3-րդ մասով՝

Հ ր ա մ ա յ ու մ ե մ '

1. Հայաստանի Հանրապետության գլխավոր դատախազի 2022 թվականի հունիսի 27-ի՝ «Հայաստանի Հանրապետության դատախազության հաստիքացուցակը սահմանելու և Հայաստանի Հանրապետության գլխավոր դատախազի 2021 թվականի նոյեմբերի 22-ի N 91 հրամանն ուժը կորցրած ճանաչելու մասին» N 47 հրամանում կատարել հետևյալ փոփոխությունները.


1) 2-րդ հավելվածի 4-րդ բաժնի 52-րդ գլխի 204-րդ կետի «Վարորդ-գրիչ 1» բառերը փոխարինել «Վարորդ-գրիչ 0» բառերով, նույն գլխի «Ընդամենը 2» բառերը՝ «Ընդամենը 1», «ԸՆԴԱՄԵՆԸ՝ Կայազորի զինվորական դատախազությունում 5» բառերը՝ «ԸՆԴԱՄԵՆԸ՝ Կայազորի զինվորական դատախազությունում 4», իսկ 4-րդ և 5-րդ բաժինների «Ընդամենը Հայաստանի Հանրապետության զինվորական

դատախազությունում 54» բառերը՝ «Ընդամենը Հայաստանի Հանրապետության զինվորական դատախազությունում 53» բառերով,

2) 3-րդ հավելվածի 3-րդ կետի «Հայաստանի Հանրապետության գլխավոր դատախազի տեղակալի օգնական 4» բառերը փոխարինել «Հայաստանի Հանրապետության գլխավոր դատախազի տեղակալի օգնական 5», իսկ «**ԸՆԴԱՄԵՆԸ՝ 14»** բառերը՝ «**ԸՆԴԱՄԵՆԸ՝ 15»** բառերով:

2. Սույն հրամանի կատարման վերահսկողությունն իրականացնում է Հայաստանի Հանրապետության գլխավոր դատախազը:

3. Սույն հրամանի պատճենն ուղարկել Հայաստանի Հանրապետության գլխավոր դատախազի տեղակալներին, Հայաստանի Հանրապետության գլխավոր դատախազության վարչությունների պետերին, ավագ դատախազին, Երևան քաղաքի դատախազի պաշտոնակատարին, Երևան քաղաքի վարչական շրջանների և մարզերի դատախազներին, կայազորների զինվորական դատախազներին, Հայաստանի Հանրապետության զինվորական կենտրոնական դատախազության բաժինների պետերին, ավագ դատախազներին, Հայաստանի Հանրապետության դատախազության գլխավոր քարտուղարին, Հայաստանի Հանրապետության գլխավոր դատախազի խորհրդականներին ու օգնականներին:

 Ա.ՎԱՐԴԱՊԵՏՅԱՆ